

Bosna i Hercegovina
Federacija Bosne i Hercegovine
Tuzlanski kanton
JU Služba za zapošljavanje Tuzlanskog kantona
Tuzla

Broj: 01-14-1-40-1/17-4

Datum, 13.06.2017. godine

Na osnovu člana 70. stav (1), (3) i (6) Zakona o javnim nabavkama („Službeni glasnik BiH“, broj: 39/14), člana 25. Statuta JU Službe za zapošljavanje Tuzlanskog kantona i preporuke Komisije za javne nabavke utvrđene u Zapisniku broj: 01-14-1-40-1/17-3 od 12.06.2017. godine, u postupku javne nabavke radova na adaptaciji objekta Biroa za zapošljavanje Kalesija, direktor donosi:

O D L U K U
o izboru najpovoljnijeg ponuđača

I

Ugovor za nabavku radova na adaptaciji objekta Biroa za zapošljavanje Kalesija dodjeljuje se ponuđaču “Asilt Ing“ d.o.o. Gradačac, sa ponuđenom cijenom u iznosu od 58.234,18 KM bez PDV-a, kao najpovoljnije ocijenjenom.

II

Po pravosnažnosti ove Odluke, Ugovorni organ zaključit će Ugovor o predmetnoj javnoj nabavci, kojim će biti regulisana međusobna prava i obaveze za predmetnu nabavku, a sve u skladu sa zahtjevima Ugovornog organa predviđenim u tenderskoj dokumentaciji i propisima koji regulišu postupke ugovaranja.

III

Ova Odluka objavit će se na web stranici JU Služba za zapošljavanje Tuzlanskog kantona Tuzla - www.szztk.ba, istovremeno s upućivanjem ponuđačima koji su učestvovali u postupku javne nabavke.

O b r a z l o ž e n j e

Odlukom broj: 01-14-1-40-1/17 od 25.04.2017. godine, pokrenut je postupak javne nabavke radova na adaptaciji objekta Biroa za zapošljavanje Kalesija, u kojoj je predviđena procijenjena vrijednost predmetne nabavke 65.000,00 KM bez PDV-a.

Obavještenje o nabavci broj: 647-1-3-22-3-9/17 objavljeno je 03.05.2017. godine.

Postupak predmetne javne nabavke proveden je putem otvorenog postupka za dostavu ponuda.

Komisija za javne nabavke, odgovornom licu Službe dostavila je Zapisnik o otvaranju ponuda kao i Zapisnik o pregledu i ocjeni ponuda, sa preporukom o izboru najpovoljnijeg ponuđača u predmetnoj javnoj nabavci.

U postupku po izvještaju o radu, utvrđeno je da je Komisija za javne nabavke blagovremeno i pravilno izvršila otvaranje ponuda, o čemu je sačinila odgovarajuće zapisnike, u kojima je utvrđeno da je ukupan broj blagovremeno zaprimljenih ponuda četiri i to:

1. **“Gromex” d.o.o. Srebrenik;**
2. **“Asilt ing” d.o.o. Gradačac;**
3. **“Kuw ing” d.o.o. Kalesija;**
4. **”M.H. – Građevinar” d.o.o. Živinice;**

*Nakon otvaranje i analize blagovremeno pristiglih ponuda, Komisija je utvrdila da ponuda ponuđača **Asilt Ing d.o.o. Gradačac** ispunjavaju formalno – pravne uslove, a da ponude ponuđača **“Gromex” d.o.o. Srebrenik, “Kuw ing” d.o.o. Kalesija i ”M.H. – Građevinar” d.o.o. Živinice** ne ispunjavaju formalno – pravne uslove.*

*Ponuđač **”M.H. – Građevinar” d.o.o. Živinice** u predmetnom postupku javne nabavke dostavio je ponudu koja nije preuzeta sa portala javnih nabavki www.ejn.gov.ba, nije čvrsto uvezana na način da se onemogući naknadno vađenje ili umetanje listova, te ponudu (original i kopija) iz koje se ne može jasno utvrditi koja ponuda je original a koja kopija. S obzirom da ponuda nije dostavljena u skladu da Zakonom o javnim nabavkama, Uputstvom o dopunama uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu "E-nabavke" i Tenderskom dokumentacijom ista nije ni uzeta u razmatranje od strane Komisije.*

Članom 58. stav (2) Zakona o javnim nabavkama BiH („Službeni glasnik BiH“, broj: 39/14) propisano je da ponuda mora biti čvrsto uvezana i sve strane ponude numerirane (izuzev dokaza o garanciji iz stava (1) tačka b) ovog člana, te štampane literature, brošura, kataloga i sl.)

Tačkom 4.1. (Sadržaj ponude i način pripreme ponude) tenderske dokumentacije ugovorni organ je propisao da se ponuda čvrsto uvezuje na način da se onemogući naknadno vađenje ili umetanje listova. U skladu sa stavom Agencije za javne nabavke BiH pod čvrstim uvezom se podrazumijeva ponuda uvezana odnosno ukoričena u knjigu ili ponuda osigurana jamstvenikom. Pod čvrstim uvezom se ne podrazumijeva uvez „Spiralno“, ponuda dostavljena u plastičnoj fascikli ili sličan uvez koji omogućava nesmetano mijenjanje stranica ponude.

Članom 55. stav (1) tačka d) Zakona o javnim nabavkama BiH („Službeni glasnik BiH“, broj: 39/14) propisano je da ugovorni organ objavljuje tendersku dokumentaciju na portalu javnih nabavki na što će ukazati u obavještenju o nabavci, u skladu sa podzakonskim aktom koji donosi Agencija.

Članom 2. Uputstva o dopunama uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu "E-nabavke" (Službeni glasnik BiH" broj 53/15) propisano je da Ugovorni organ objavljuje tendersku dokumentaciju u sistemu „E-nabavke“, u skladu sa članom 55. Zakona o javnim nabavkama BiH i ovim uputstvom, dok je članom 3. istog Uputstva propisano da privredni subjekt kao korisnik sistema „E-nabavke“ koji je završio postupak registracije preuzima tendersku dokumentaciju u sistemu „E-nabavke“.

Tačkom 6.1. (Trošak ponude i preuzimanje tenderske dokumentacije) tenderske dokumentacije ugovorni organ propisuje da se tenderska dokumentacija može preuzeti isključivo putem sistema „E-nabavke“ na portalu www.ejn.gov.ba.

Tačkom 4.1. (Sadržaj ponude i način pripreme ponude) tenderske dokumentacije ugovorni organ je također propisao da je ponuđač dužan da dostavi original i jednu kopiju ponude. Kopija se dostavlja zajedno s originalnom ponudom. U tom slučaju se jasno naznačava

"original" i "kopija" ponude. U slučaju razlika između originala i kopije ponude, vjerodostojan je original ponude.

Ponuđač **"Kuw ing" d.o.o. Kalesija** u predmetnom postupku javne nabavke nije dostavio dokaz o radnom iskustvu za Hajdarbegović Elmira.

Tačkom 3.4.1. pod b) (Tehnička i profesionalna sposobnost) Tenderske dokumentacije ugovorni organ je propisao da ponuđač treba da dostavi dokaz da ima angažovane u stalnom radnom odnosu, pod Ugovorom o djelu ili poslovno - tehničkoj saradnji minimalno dva diplomirana inženjera arhitektonske ili građevinske struke sa najmanje tri godine radnog iskustva.

Ponuđač **Gromex" d.o.o. Srebrenik** u predmetnom postupku javne nabavke nije dostavio popis dokumenata koji se dostavljaju u ponudi u skladu sa Aneksom 2. tenderske dokumentacije, kao ni dokaz o radnom iskustvu za Fazlić Mensura.

Tačkom 4.1. pod a) (Sadržaj ponude i način pripreme ponude) ugovorni organ je propisao da ponuda mora sadržavati najmanje:

a) Obrazac za ponudu sa obaveznim navođenjem datuma ponude, potpisom i pečatom ovlaštenog lica ponuđača i popisom dokumenata koji se dostavlja u ponudi u skladu sa Aneksom 2. tenderske dokumentacije.

Tačkom 3.4.1. pod b) (Tehnička i profesionalna sposobnost) Tenderske dokumentacije ugovorni organ je propisao da ponuđač treba da dostavi dokaz da ima angažovane u stalnom radnom odnosu, pod Ugovorom o djelu ili poslovno - tehničkoj saradnji minimalno dva diplomirana inženjera arhitektonske ili građevinske struke sa najmanje tri godine radnog iskustva.

Rangiranje ponuda koje ispunjavaju formalno pravne uslove po kriteriju „najniža cijena ponude“:

1. **„Asilt Ing“ d.o.o. Gradačac** sa cijenom od 58.234,18 KM bez PDV-a (početna cijena bila je 58.234,19 KM, na kojoj je uočena računaska greška i tražena ispravka. Ispravka računaska greške je potvrđena i odobrena);

U postupku donošenja ove Odluke, posebno su cijenjene činjenice da je Komisija pravilno i potpuno ocjenila kvalificiranost ponuđača te ocjenu prispjelih ponuda, shodno kriterijima iz tenderske dokumentacije.

U postupku ocjene provedenog postupka, direktor Službe nije našao razloge nepravilnosti kao ni propuste u radu, koji bi bili osnov neprihvatanja preporuke Komisije za javne nabavke. Naime, u postupku je ocijenjeno da je Komisija postupila pravilno i da je postupak izbora najpovoljnijeg ponuđača proveden u skladu sa Zakonom o javnim nabavkama, podzakonskim aktima i tenderskom dokumentacijom.

Nakon provedene ocjene ponuda, utvrđeno je da je na osnovu kriterijuma „najniže cijene“, najbolje ocijenjena ponuda ponuđača „Asilt Ing“ doo Gradačac sa cijenom od 58.234,18 KM bez PDV-a.

Iz navedenog razloga, primjenom člana 64. stav 1. tačka b) Zakona o javnim nabavkama, odlučeno je kao i dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH, putem Ugovornog organa, najkasnije u roku od 10 (deset) dana od dana prijema ove Odluke.

Žalba se podnosi u dovoljnom broju primjeraka, a koji ne može biti manji od tri.

Naknada za žalbu je propisana članom 108. Zakona o javnim nabavkama.

Prilog:

- 1. Zapisnik o pregledu i ocjeni ponuda;*

Pripremila:

Mersiha Huremović, dipl. pravnik

Stručni saradnik za pravne i normativne poslove

Dostaviti:

- 1. Ponuđačima*
- 2. Odjeljenju za analitičko-planske i ekonomske poslove;*
- 3. a/a.*

DIREKTOR

Senad Muhamedbegović, dipl. pravnik